



Thuto Ya Banikolaitane

ka

Moruti William Marrion Branham

Thuto Ya Banikolaitane

Tshenolo 2:15, "Ebile o na le bangwe ba ba kgomaretseng thuto ya Banikolaitane, e Ke e tlhoileng."

Le tlaa gakologelwa gore ke ntshitse mo Motlheng wa Baefese gore lefoko, *Nikolaitane*, le tswa mo mafokong a mabedi a Segerike: *Nikao* le le kayang go *fanya*, le *Lao* le kayang *phuthego*. *Nikolaitane* e kaya, "go *fanya phuthego*." Jaanong ke ntlha-ya-eng sena e le selo se se boitshegang? Se a boitshega gonne Modimo ga a ise a neele *phuthego* Ya Gagwe mo diatleng tsa ketopele e e tlhophilweng e e tsamaisanang le maikutlo a sepolotiki. O neetse *phuthego* Ya Gagwe mo tlhokomelang ya ba ba tlhomilweng ke Modimo, ba ba tletseng-Moya, banna ba ba tshelang ka Lefoko ba ba etang batho pele ka go ba fepa ka Lefoko. Ga a kgaoganya ka ditlhopa gore ditirelo di etellwe pele ke boperesita bo bo boitshepo. Ke boammaruri gore boetapele bo nne boitshepo, mme ke gona go tshwanetseng go nna le mo *phuthegong yotlhe*. Go ya pele, ga go tulo mo Lefokong moo baperesiti kgotsa badiredi kgotsa ba ba jalo ba ba emang fa gare ga Modimo le batho, kgotsa go na tulo moo ba kgaoggangwang mo go tsa kobamelo ya Morena. Modimo o batla botlhe go rata le go Mo direla mmogo. Bonikolaitane bo nyeletsa ditaelo mme mo boemong bo kgaoganya badiredi mo bathong mme bo dira baetapele batlotlegi mo boemong ba batlhanka. Jaanong thuto e e tota e simolotse jaaka tiragalo mo motlheng wa ntlha. Go nntse jaaka ekete bothata bo ne bo le mo mafokong a mabedi: "bagolo" (bagolwane) le "balebedi" (baokami). Le ge Lekwalo le bontsha gore go na le bagolo ba ba mmalwa mo *phuthegong nngwe* le nngwe, bangwe ba simolotse (Ignatius mo gare ga bona) go ruta gore mogopolu wa mookami e ne e le mongwe wa tlolomalo kgotsa taolo le tlhokomelo mo go bagolo. Jaanong boammaruri tiragalo ke lefoko "mogolo" le bontsha seo motho yoo a leng sona, ge lefoko "mookami" le bontsha ofeisi ya ene monna yoo. Mogolo ke monna. Mookami ke ofeisi ya monna. "Mogolo" ka gale o na mme le ka

gale o tlaa bua fela kaga motlha wa ditiragalo tsa monna mo Moreneng. Ke mogolo, e seng ka gonne o tlhophilwe kgotsa o tlhomilwe, le tse dingwe, mme ka gonne a GODILE. O na le maitemogelo, o katisitswe, eseng magogorwane, a ikanyega kantlha ya maitemogelo le sesupo se se sa belaetseng sa maitemogelo a gagwe a Bokeresete. Mme nyaya, baokami ba ne ba sa kgomarela mo diepistolong tsa Paulo, mme bagolo ba ile ka polelo ya ga Paulo ka nako ya ge a biditse bagolo go tswa Efese go ya Miletus mo go Ditiro 20. Mo temaneng ya 17 lekwalo le a bolela, "bagolo" ba ne ba bidiwa mme ka gona mo temaneng ya 28 ba bidiwa balebedi (baokami). Mme baokami ba, (kwantle ga pelaelo ba na le mogopolu wa sepolotiki le tlhobaelo ya nonofo) ba gapeletsa gore Paulo o neetse gore bokao ba "balebedi" bo ne bo feta mogolo wa legae ka bogolo ba ofeisi fela mo phuthegong ya gagwe. Mo go bona mookami e ne e le jaanong mongwe yo o nang le taolo e e godisitsweng mo go ba bantsi ba baetapele ba legae. Mogopolu o o jalo o ne o se mo Lekwalong le e seng le ga e le mo polelong, le ga go le jalo le ga e le monna wa bogolo ba Polycarp o ne a itshwareletse ka mokgatlo o o jalo. Go nntse jaana seo se simoletseng jaaka tiragalo mo motheng wa ntlha se dirilwe thuto e e itsegalang mme go jalo le gompieno. Baokami ba santse ba batla nonofo go laola banna le go dirisanya le bona jaaka ba rata, ba ba baya moo ba tla ratang mo bodireding. Se se latola ketopele ya Moya o o Boitshepo Yo o rileng, "Nkgaoganyetseng Paulo le Barnabas ka tiro e Ke ba bileditseng mo go yona." Se se ganetsa-Lefoko le moganetsa-Keresete. Mathaio 20:25-28, "Mme Jesu a ba biletsha kwa go Ene, mme a re, Le a itse gore magosana a Badichaba ba dirisa puso mo go bona, mme ba ba leng bagolo ba dirisa taolo mo godimo ga bona. *Mme ga go kitla go nna jalo mo gare ga lona*; mme yo o tlaa nnang mogolo mo gare ga lona, a nne modiredi wa lona; mme yo o tlaa nnang moetapele wa lona, a nne motlhanka wa lona: Le jaaka Morwa motho a sa tlela go direlwaa, mme e le go direla, le go neela botshelo Ba Gagwe go nna serekolodi sa ba bantsi." Mathaio 23:8-9, "Mme o sekwa wa bidiwa Raboni: gonne o Mongwe Mong wa lona, ebong Keresete;

mme lona lotlhe le bana ba ga Rraeno. Mme lo seka lwa bitsa ope rraeno mo lefatsheng: gonne Rraeno o Mongwe fela, Yo o kwa legodimong."

Gore re sedimose sena ka go feta, a ke tlhalose Bonikolaitane ka e tsela e. Le a gakologelwa gore mo go Tshenolo 13:3 e re, "Ka bona nngwe ya ditlhogo tsa sona e ntse jaaka ekete e tlhabilwe la go swa: mme ntho ya loso ya folo: Lefatshe lotlhe la gakgamalela sebata seo." Jaanong re a itse gore tlhogo e e ntshitsweng dintho e ne e le Bogosi ba Roma ba boheitene, nonofo e le kgolo ya politiki ya lefatshe. Tlhogo e e tsogile gape jaaka "Katolika ya Roma ya bogosi basemoya." Jaanong tlhokomela sena ka kelotlhoko. Ke eng se Roma ya boheitene ya sepolotiki e se dirileng seo e neng e le motheo wa tswelopele ya gagwe? O, "arogantse mme o fentse." Seo e ne e le peo ya Roma — go aroganya le go fenza. Meno a gagwe a tshipi a kgagotse mme a garotse. Yo a mo kgagotseng mme a garola ga a ka a tsoga gape jaaka a nyeeditse Carthage a mo jadile go nna letsmai. Yona peo eo ya tshipi e setse mo go ene ge a tsogile jaaka phuthego ya kako, mme maano a gagwe a setse a ntse fela jalo — go aroganya le go fenza. Seo ke Bonikolaitane mme Modimo o bo tlhoile.

Jaanong ke lobaka la polelo e e itsengent sentle gore ge phoso e e khukhunela phuthego, banna ba simolola go lwela ofeisi ya mookami ka ditlamorago tsa gore maemo a ne a neelwa yo a rutegileng thata mme a na le tsa tswelopele ya dithoto mme ele banna ba tlhaloganyo ya bopolotiki. Kitso ya botho le lenaneo tsa simolola go gapa manno a bothale ba Bomodimo le Moya o o Boitshepo ga wa ka wa tlhola o laola. Sena rure e ne e le bosula bo bo boitshegang, gonne baokami ba simolola ba ithaya ba re ga go tlhole go tlhokega maitsholo a a tseneletseng a Mokeresete go direla bogolo Lefoko kgotsa ditshwanelo mo phuthegong gonne e ne e le ditlholego le modiro tse e neng e le tsa botlhokwa. Sena se letleletse banna ba ba bosula (batsietsi) go arola motlhape.

Ka thuto ya-motho ya seemo sa baokami mo tulong e ba sa e newang mo Lekwalong, kgato e e latelang e ne e le ya go neelana ka maemo a a tokafaditsweng a a ikagileng go nna tsa maemo a sedumedi; gonne ka tshogonetso go ne go nne le baokamibagolo mo godimo ga baokami le Bocardinale mo godimo ga baokamibagolo mme ka nako ya Boniface wa boraro go ne go na le mopapa godimo ga botlhe, *Mopontiffa*.

Ke eng ka thuto ya Bonikolaitane le tlhakano ya Bokeresete le Bobabilone kgaogano ya ditlamorago ya tshwanela go nna se Ezekiel a se boneng mo kgaolong ya 8:10, "Ke tsena ka leba; ka fitlhela ditshwantsho tsa mofutafuta tsa digagabi, le tsa diphologolo tse di ilegang, le mefutafuta ya medimo e e maila ya Baiseraele, e e tshwantshitsweng mo tikologong yotlhe ya lobota." Tshenolo 18:2, "A kua ka lentswe le legolo a re, O ole, o ole, Babilone yo mogolo, o bile o fetogile boago jwa mademone, le phuthego ya dinonyane tse di sa itshekang tsa mofutafuta tse di ilegang, ka gonne merafe yotlhe e nole bojalwa jo bo bogale jwa boaka jwa gagwe."

Jaanong thuto e ya Bonikolaitane, taolo ena e e neng e tlhomilwe mo phuthegong ga ya ka ya e tlosa yotlhe sentle mo bathong ba le bantsi gonne ba ne ba kgona go bala epistolo e e sa tlwaelegang kgotsa kgang mo Lefokong le le kwadilweng ke motho mongwe wa modimo. Jaanong phuthego ya dirang eng? Ya kgaola baruti ba tshiamo mme ya tshuba dikwalo tse di phutwang. Ba rile, "Go tsaya thuto ya seemo se se rileng go buisa le go tlhaloganya Lefoko. Ke ka ntlha eng fela jaaka Petero a rile dilo di le dintsi tse Paulo a di kwadileng di thata go tlhaloganngwa." Ge Lefoko le setse le tserwe mo bathong, kgantele go tsile mo go batho go reetsa fela se se buang ke moperesiti, mme ba dirile se a rileng ba se dire. Ba biditse seo gore ke Modimo le Lefoko La Gagwe le le boitshepo. Ba gapile ditthaloganyo le matshelo a batho mme ba ba dirile batlhanka ba taolo e e setlhogo ya boperesiti.

Jaanong ge o batla sesupo sa gore Phuthego ya Katolika e lopa matshelo le ditlhaloganyo tsa batho, reetsa fela molao wa Theodosius X. *Molao wa Ntlha wa ga Theodosius.*

Molao o o ntshreditswe kwa ntle ka bonako morago a setse a kolobeditswe ke Phuthego ya Ntlha ya Roma. "Rona dikgosi tse tharo re tlaa rata ge batlhanka ba rona ka tlhomamo ba ka kgomarela tsa bodumedi tse di rutilweng ke Moitshepi Petoro mo go Baroma, bo ka boikanyego ke tlwaelo e jaanong e bolelwang ke pontiffa, Damasus wa Roma, le Petoro, mookami wa Alexandria, monna wa Apostolic holiness go ya ka motheo wa Bapostolo, le thuto ya Efangedi; a re dumeleng mo go bongwe Bomodimo ba Rre, Morwa, le Moya o o Boitshepo, ba borena bo bo lekanang mo Borarong bo bo Boitshepo. *Re laola gore Bakgomaredi ba tumelo e ba bidiwe Bakeresete ba Katolika; re tshwaya balatedi bottlhe ba ba senang tlhaloganyo ba tsa dithuto tsa bodumedi tse dingwe ba leina le le sa itsegeng la setlhopa sa thuto e e seng yona, mme re iletsa baithuti ba bona go itseela leina le diphuthego.* Kwantle ga tshekiso ya molao wa bomodimo ya tshiamo, ba tshwanetse go solofela petso e e bokete eo balaodi ba rona, ba kaelwa ke bottlhale ba legodimo ba tlaa gopolang sentle go e diga..."

Melao e e lesome-le-bothhano ya melato e e lefiwang eo kgosi ena e neelang ka yona jaaka mo dingwageng di le dintsie thukhuthile ba tse efangedi ka ditshwanelo tsotlhe go diragatsa tsa bodumedi ba bona, ba ba tswaletse kwantle mo diofeising tshotlhe tsa legae, mme ba ba tshosetsa ka tefiso, kgapo, go koba le fela jaaka mo melatong e mengwe, loso.

A o a itse ke eng? Re ya re lebile gona koo gompieno.

Phuthego ya Roma ya Katolika e ipitsa ka boyona Mme wa phuthego. O ipitsa kabonee phuthego ya ntlha kgotsa ya tshimologo. Seo ke boamaruri bo bo gololesegileng. E ne ele Phuthego ya Ntlha ya tshimologo ya Roma e e boetseng morago mme e tsene mo boleong. E ne ele ene wa ntlha yo o itirileng

mokgatlo. Mo go ene go bonwe ditiro mme ka gona thuto ya Bonikolaitane. Ga ayo yo tlaa latolang gore ke mmé. Ke mmé, mme o tsetse barwadi. Jaanong morwadi o tswa mo go mosadi. Mosadi yo apereng bohibidu o nntse mo dithabeng tse di supang tsa Roma. Ke seaka mme o tsetse barwadi. Barwadi bao ke diphuthego tsa Protestanta tse di tswileng mo go ene mme ka gona tsa boela kwa morago mo mokgatlong le mo Bonikolaitaneng. Mmé ona wa morwadi diphuthego o bidiwa seaka. Ke mosadi o o neng a sena boammaruri mo maikanong a lenyalo la gagwe. O ne a nyetswe ke Modimo mme ka gona a tsamaya a akafala le diabolo mme mo boakeng ba gagwe a tlhagisitse barwadi ba ba jaaka ene. Mmé ona le kgokagano le morwadi ba ganetsa-Lefoko, e ganetsa-Moya mme se se latelang moganetsa-Keresete. Ee, MOGANETSAKERERESETE.

Jaanong pele a gore ke ye kgakala thata ke rata go umaka gore baokami bana ba pele ba gopotse gore ba ne ba le kwa godimo ga Lefoko. Ba boleletse batho gore ba kgona go baitshwarela maleo ka boipobolo ba maleo ao. Seo ga ise e nne boammaruri. Ba simolola go kolobetsa maseya ka ngwaga wa lekgolo wa bobedi. Tota ba ne ba dira ka gale kolobetso ya ntshafatso. Ke ka moo go sa gakgamatseng ge batho ba tlhakatlhakane gompieno. Ge ba ne ba tlhakatlhakane ke gona, le gona ba le gaufi le Pentekoste, jaanong ba mo maemong a a tlhobaetsang, ba ka nna dingwaga di le dikete tse pedi go tloga kwa boammaruring ba tshimologo.

Au, Phuthego ya Modimo, go na le tsholofelo e le nngwe fela. Boelang gape mo Lefokong mme le nne le lona.

THUTO YA BEILAME

Tshenolo 2:14, "Ka o na le bangwe koo ba ba dumelanang le thuto ya ga Beilame yo o rutileng Balake go beela Baiseraele sekgopi gore ba je tse di tlhabetsweng medimo ya diseto le go dira boaka."

Jaanong ga o kitla fela o nna le thulaganyo ya Nikolaitane mo phuthegong mme go sena gore thuto e nngwe ena e ka tsena, le yona. Wa bona, ge o tlosa Lefoko la Modimo le tsamao ya moya jaaka mokgwa wa kobamelo (ba ba Nkobamelang ba tshwanetse go Nkobamela Ka Moya le ka boamaruri) ke gona o tlaa tshwanelang go neela batho sebopego se sengwe sa kobamelo jaaka seemedi, mme seemedi se letla kobamelo ya Beilame.

Ge e le gore re tsile go tlhaloganya se thuto ya Beilame mo phuthegong ya Testamente e Ntšha bokaone ke gore re boeile morago mme re bone gore e ne e le eng mo phuthegong ya Testamente e e Kgologolo mme re e dirise mo motlheng ole wa boraro mme ka gona re e tlise mo go e e leng teng.

Polelo e bonwa mo go Dipalo Kgaolo 22 go ya go 25. Jaanong re itse gore Israele e ne e le batho ba ba itlhopotsweng ke Modimo. E ne e le Mapentakosete a letsatsi la bona. Ba ne ba tsere botshabelo ka fa tlase ga madi, bottle ba ne ba kolobetswe mo lewatleng le le Hibidu mme ba tswile mo metsing, ba opela mo Moyeng mme ba bina ka fa tlase ga nonofo ya Moya o o Boitshepo, ge Miriam, moporofetigadi, a letsat tambourine ya gagwe. Go siame, morago ga nako e e rileng ya leeto, bana ba Israele ba tsile mo Moaba. O a gakologelwa gore Moaba e ne e le mang. E ne e le morwa wa ga Lote ka mongwe wa barwadi ba gagwe, mme Lote kafa ntlheng e nngwe e ne e le setlogolo sa ga Abrahama ka jalo Israele le Moaba e ne e le ba losika. Ke batla gore le bone seo. Bamoaba ba ne ba itse boamaruri, le ge ba ne tshela ka bona kgotsa nyaya.

Ka jalo Israele e tsile mo meolwaneng ya Moaba mme a romela barongwa kwa go kgosi a re, "Re bomorwarre. Re tlogele re fete mo nageng ya gago. Ge batho ba rona kgotsa diphologolo tsa rona di e ja kgotsa dinwa sengwe, re tlaa se lefa ka boitumelo." Mme Kgosi Balake a gakatsegwa thata. Tlhogo ele ya setlhophya sele sa Nikolaitane se ne se sa ikemisetsa go tlogela phuthego go feta

ka ditshupo le dikgakgamatso tsa yona le diponatso dingwe le dingwe tsa Moya o o Boitshepo, ka difatlhego tsa bona tse di phatsimang ka kgalalelo ya Modimo. Go ne go le kotsi thata, jaaka a ne a ka latlhegelwa ke bangwe ba lekoko la gagwe. Ka jalo Balake o ganne go tlogela Israele go feta. Boammaruri, poifo ya gagwe mo go bone e ne e le kgolo thata, gore a ye go mothapiwa wa moporofeti a bidiwa Beilame mme o mo kopile go tsena fa gare ga gagwe le Modimo mme a kope Mothathayothe go hutsa Israele, mme a ba koafatse. Mme Beilame, ka a na a tlhoafoletse go tsaya karolo mo go tsa polotiki mme a nne monna o mogolo, o ne a itumetse thata fela go dira jalo. Mme ka a bona gore o na le maikemisetso a a jalo, mme a amogele bareetsi go tswa go Modimo gore a dire batho gore ba hutsiwe, jaaka a ne a sa kgone go dira se ka bogaagwe, o ile a kopa Modimo ge a ka amogela ttlelelo Ya Gagwe go ya. Jaanong a ga go a nna fela jaaka Banikolaitane ba re nang le bona gompieno? Ba hutsa mongwe le mongwe yo o se kitlang a ya ka tsela ya bona.

Ge Belaime a kopile Modimo ttlelelo go ya, Modimo o mo ganeditse. Malo seo se tlhabile! Mme Balake a tlhotlheletsa, a mo sololetsa le dituelo tse kgolo le tlotlo. Ka jalo Beilame a boela kwa go Modimo. Jaanong karabo e le nngwe go tswa go Modimo e kaba e lekane. Mme e seng mo go Beilame ka go rata ga gagwe. Ge Modimo a bona tshokamo ya gagwe, O mmoleletse gore a eme a tsamaye. Ka bonako a saletsa esele mme ke yole a tsamaya. A kabo a lemogile gore se e ne ele fela thata ttlelelo ya Modimo mme ga a kitla a kgona go ba hutsa ge a ne a ile gamosome-a-mabedi mme a lekile gamosome-a-mabedi. Kafa batho ba tshwanang le Beilame gompienol! Ba dumela mo go Badimo ba ba raro, ba kolobediwa ka maemo a mararo mo boemong ba LEINA, mme le ga go ntse jalo Modimo o tlaa romela Moya mo godimo ga bona jaaka A dirile mo godimo ga Beilame, mme ba tlaa nne ba tswele pele ba dumela gore ba siame fela, mme ke ba fano tota Bobeilame ka boitekanelo. Bona, thuto ya Beilame. Tswela pele gontse jalo. Dira ka tsela ya gago. Ba re, "Go

siame, Modimo o re tshegofaditse. Go tshwanetse ga bo go siame." Ke a itse o le tshegofaditse. Ga ke latole seo. Mme e ntse e le yona tsela ya mokgatlo e e tserweng ke Beilame. Ke lenyatso mo Lefokong la Modimo. Ke thuto e e seng yona.

Ka jalo Beilame o tsamaile a gaketse mo tseleng go tsamaya moengele go tsa go Modimo a eme mo tseleng ya gagwe. Mme ene moporofeti (mookami, cardinal, moradisi, mopresidente le molebedi kakaretso) o ne ka jalo a fousaditswe mo dilong tsa Semoya ka mogopolo wa tlotlo le kgalalelo le chelete gore a se kgone go bona moengele a eme ka chaka e e tsomotsweng. Ke yoo a eme go thibela moporofeti o o tsenwang. Eselana e mmone mme ya tilela kwa morago le kwa pele go tsamaya e pshetlella leoto la Beilame mo loboteng la letlapa. Esele ya ema mme ya gana go tsamaela pele. O ne a sa kgone. Ka jalo Beilame a fologa mme a simolla go mo bets. Esele ka gona ya simolola go bua le Beilame. Modimo a lesa esele go bua loleme. Esele eo e ne e se motswako; e ne e le peo ya tshimologo. O rile mo go moporofeti o o fousaditsweng, "A ge ke eselesya gagao, mme a ga ke a go rwala ka boikanyego?" Beilame o arabile, "Ee, ee, o eselesyame mme o nthwele ka boikanyego go fitlhela jaanong; mme ge ke sa kgone go go tsamaisa, ke tilie go go bolaya... whoa! ke eng se, ke bua le eseles? Go a tshegisa, ke ne ke gopotse ke utlwile eseles e bua mme nna ke arabile."

Modimo o buile ka gale ka loleme. O buile kwa moletlong wa ga Belhazzer mme ka gona kwa Pentekoste. O dira se gape gompieno. Ke kgalemelo ya katlholo e e tlang ka bonako.

Ka gona moengele a iponatsa mo go Beilame. O boleletse Beilame gore kwantle ga eseles o kab a sule fela jaanong ka go leka Modimo. Mme ge Beilame a sololets go boela morago, o rometswe le taelo go bua fela seo Modimo a mo neileng sona.

Ka jalo Beilame a tsamaile mme a tlhoma dialetara tsedi supang tsa diphologolo tse di phepa tsa setlhabelo. O tlhabile phelehu e

kaya go tla go Messiah. O itsitse seo a se dirang go atamela go Modimo. O ne a na le ditlogo fela tse di siameng; mme e seng nonofo ya go ragoga; jaaka go ntse jaanong. A ga o kgone go bona se, Banikolaitane? Israele ke yoo kwa tlase kwa molapong, a neela ka setlhabelo se se tshwanang, a dira dilo tse di tshwanang, mme ke a le mongwe yo o neng a na le ditshupo tse di mo setseng morago. O mongwe fela yo o neng a na le Modimo mo gare ga gagwe. Sebopego ga se kitla se go isa gope. Ga se kgone go tsaya tulo ya ponatso ya Moya. Ke seo se diragetseng kwa Nicaea. Ba ne ba beile thuto ya Beilame kwa godimo, e seng thuto ya Modimo. Mme ba kgopilwe; rure ba wele. Ba ne ba nna batho ba ba suleng.

Morago ga gore setlhabelo se dirwe, Beilame o ne a ipaakanyeditse go porofeta. Mme Modimo o ne a bofile leleme la gagwe mme ga a kgona ga ba hutsa. O ba tshegofaditse.

Balake o ne a galefile thata, mme go ne go se sepe se Beilame o neng a ka kgona go se dira ka seporofeto. Se ne se builwe ke Moya o o Boitshepo. Ka jalo Balake o boleletse Beilame go ya kwa tlase, mo molapong, mme a ba lebe dikarolo tse di kwa morago go bona ge go ne go sena go ka dirwa tsela e nngwe go kgona go ba hutsa. Maano ao Balake a a dirisitseng ke maano a a tshwanang le a ba dirisang gompieno. Diphuthego tse di kgolo tsa maina di nyatsa ditlhopa tse di nnyane, mme sengwe le sengwe se ba se bonang mo gare ga bona go dira sekgopi ba se ntsha mme ba se tlabela mokgosi. Ge basegompieno ba tshela mo boleong, ga go mongwe o buang sengwe ka sona; mme a mongwe wa batlhaolwi ba tsene mo tlalelong mme pampiri nngwe le nngwe e se phatlalatsa naga yothle. Ee, Israele o ne a na le dikarolo tsa (senama) kwa morago. Ba ne ba na le lethakore la bona le le neng le sa tshwanelo pako; mme go saye ka go sa itekanelo ga bona, ka boitlhomo ba Modimo bo bo dirang ka tlhaolo, ka tshwaro mme eseng ka ditiro, BA NE BA NA LE LERU MOTSHEGARE LE PILARA YA MOLLO BOSIGO, BA NE BA NA LE LEFIKA LE ITEILWENG, NOGA YA KGOTLHO LE DITSHUPO LE

DIKGAKGAMATSO. Ba ne ba tlhomamisitswe — eseng mo go bona, mme mo go Modimo.

Modimo o ne a sena tlhompho epe ya Banikolaitane bao ka di PHD's, LLD's le DD's le mekgatlo e mentle ya bona le tse molemo bogolo tseo motho a ikgantshang ke tsona; mme O ne ana le tlhompho mo go Israele gonue ba ne ba na le Lefoko le le tlhomamisitsweng mo go bona. Rure Israele o ne a sa lebege a rutegile thata, e le gona ba tswang mo Egepeto ka go tshaba ga potlako, mme e ne e le batho ba tshegofetseng le ga go ntse jalo. Tsotlhe tse a itsitsweng ka tsona ka dingwaga tse makgolo a mararo e ne e le go disa metlhape, go tlhokomela masimo le ka bokgoba ka poifo ya loso kafa tlase ga Baegepeto. Mme o ne a gololesegile jaanong. E ne e le batho ba ba tshegofetseng ka boikemelo ba Modimo. Rure Moaba o ne a mo nyatsa. Dichaba tse dingwe tsotlhe di dirile jalo, le tsona. Mokgatlo ka gale o nyatsa ba ba sa ipopang, mme le ga e le, ka boikaelelo ba ba tlise mo mokgatlong kgotsa ba ba nyeletse motlheng ba ganang go tla.

Jaanong mongwe a ka mpotsa, "Mokaulengwe Branham, ke eng se se go dirang gore o gopole gore Moaba o ne a ipopile ge Israele a na a sa nna jalo? Mogopoloo o o ntseng jalo o o tsaya kae? Ke o tsaya gona fano mo Beibeleng. Sena sotlhe se kaiwa gona fano. Sengwe le sengwe se se kwadilweng mo Testamenteng Ya Bogologolo mo sebopengong sa polelo se kwaletswe taolo mo go rona ka jalo gore re ithute ka yona. Ke se fano mo go Dipalo 23:9, "Gonne ke a o bona ke le makgatlhong a dithaba, ke o lebile ke le mo dithoteng; ke fithela e le morafe o o tlaa agang o le NOSI, O SA ITLHAKANYE LE MERAFE YA BOHEITENE." Ke sona seo. Modimo o lebeletse kwa tlase go tswa kwa godimo ga mafika, eseng mo molapong mongwe a lebeletse dintlha tsa bona tse di sa siamang mme a ba athola. Modimo a ba bona ka tsela e A batlileng go ba bona ka yona — go tswa tlhoreng ya lorato le kutlwelo-botlhoko. Ba ne ba nna ba le NOSI mme ba ne ba sa ipopa. Ba ne ba sena kgosi. Ba ne ba na le moporofeti, mme moporofeti o ne a na le Modimo mo go ene ka Moya;

mme Lefoko le tlile go moporofeti mme Lefoko le ile go batho. E ne e se ba U.N.. E ne e se ba Lekgotla la Diphuthego tsa Lefatshe, mo go MaBaptist, MaPresbyterian, MaAssembly of God kgotsa setlhophpha sengwe. Ba ne ba sa tlhoke go nna. Ba ne ba golagane le Modimo. Ba ne ba sa tlhoke kgakololo mo Lekgotleng lepe —ba ne ba na le “Se se builweng ke Morena” mo gare ga bona. Hallelujah!

Jaanong ka bomo ba boammaruri ba gore Beilame o itsitse tsela e e siameng ya Modimo mme a kgonne go tlisa tshenolo go tswa go Morena ka maikaelelo a a botlhokwa a a tileng ka nonofo, o ne a le, mo go tseo tsotlhе, mookami wa setlhophha se e seng sa boammaruri. Gonне ke eng se a se dirileng jaanong gore a tle gape thekegelo mo go Balak? O tlhamile leano moo go Iona Modimo o ne a tshwanetse go patelediwa go dira le Israele ka loso. Fela jaaka Satane a itsitse gore a ka raela Efa (a mo digela mo boleong ba nama) ka jaana ka ntlha ya gagwe Modimo a diragatsa katlholo Ya Gagwe e a e boletseng ya loso kgatlhano le boleo, ka jalo Beilame o itsitse gore ge a ka kgonna go dira Israele gore a leofe, Modimo o ne a tlaa tshwanela go dira le bona ka loso. Ka jalo a rulaganya tsela ya go dira gore ba tle koo mme ba kopane ka boleo. O rometse ditaelo go tla kwa moletlong wa Baal-poer (tlayang mme le obameng le rona). Jaanong Israele, kwantle go pelaelo, o bone meletlo ya Baegepeto ka jalo ba ne ba sa bone gore go phoso thata go ya fela go bona mme gongwe go ja le batho. (Ke eng se se phoso ka kabalano ge gole jalo? Re tshwanetse go ba rata, a go jalo, kgotsa re ka ba gapa jang?) Go itsalanya ga go kitla go kgopisa ope — kgotsa ka jalo ba ne ba gopotse. Mme ge basadi bao ba Moaba ka keletsego ya nama ba simolola go bina mme ba opela ge ba fereella ka tikologo ba dira rock and roll le twist, keletso ya tsoga mo go Baisraele mme ba gogelwa mo boakeng, mme Modimo ka kgalefo o bolaile masome-a-mane le bobedi a dikete a bona.

Mme ke seo Constantine le balatedi ba gagwe ba se dirileng kwa Nicaea le morago ga Nicaea. Ba laleditse batho ba Modimo

mo phuthegong. Mme ge phuthego e nna fa fatshe go ja, mme e nanoga go tshameka (tsayakarolo ya popego ya phuthego, mediro, le meletlo ya boheitene e e biditsweng morago ga mokgwa wa Bokeresete), o ne a thaisitswe; o ne a dirile boaka. Mme Modimo o ne a tsamaya.

Ga motho mongwe a furalla Lefoko la Modimo mme a gokagana le phuthego boemong ba gore a amogele Moya o o Boitshepo, motho yoo wa swa. O sule! Ke seo a leng sona. O seka wa gokagana le phuthego. O seka wa tsena mo mokgatlong mme o tsewe ke ditumelo tsa batho le tlwaelo kgotsa sengwe se se tsayang tulo ya Lefoko le Moya, kgotsa o sule. Go fedile. O sule. Ka bosakhutleng o kgaogane le Modimo!

Ke seo se se diragetseng mo motlheng mongwe le mongwe ge e sale. Modimo o golola batho. Ba tswela kwa ntla ka madi, ba itshepisitswe ke Lefoko, ba tsamaya mo metsing a kolobetso mme ba tladiwa ka Moya; mme morago ga sebakanya lerato la ntlha le a tsidifala mme mongwe o bona mogopolo wa gore ba tshwanetse ke go ipopa gore ba tle ba ipoloke mme ba iterele leina ka bogaabona, mme ba ipopa ka bobona go tsena mo tshikeng ya bobedi mme ka nako e nngwe le fela pele go moo. Ga ba sa tlhole ba na le Moya wa Modimo, fela sebopego sa borapedi. Ba sule. Ba itswakantse ka bo gabona ka tumelo ya batho le sebopego mme ga go na botshelo mo go bona.

Ka jalo Beilame o dirile gore Israele e dire boaka. A o a itse gore boaka ba nama ke ona moyo o o tshwanang le o o mo go tsa mokgatlo wa bodumedi? Ke rile moyo wa boaka ke moyo wa mokgatlo. Mme diaka tsotlhe di tlaa nna le tula ya tsona mo letsheng la mollo. Ke seo Modimo a se gopolang ka mokgatlo. Ee morena, seaka le barwadi ba sona ba tlaa nna mo letsheng la mollo.

Diphuthegong tsa maina ga se tsa Modimo. Ga di ise di ke di nne mme ga di kitla di nna. Ke moyo o o sa siamang o o kgaoganyang batho ba Modimo ka mokgatlo wa maemo a taolo le phuthego;

mme ke, ka moo, e leng moya o o sa siamang o o kgaoganyang batho le batho. Ke seo mokgatlo le dipjuthego tsa maina di se dirang. Ka go ipopa ba ikgaoganya ka bobona mo Lefokong la Modimo, mme ba itlisa ka bogabona mo boakeng ba semoya.

Jaanong lemoga gore Constantine o neelane ka meletlo ya botlhokwa go batho. E ne meletlo ya boheitane ya bogologolo ka maina a masha a tserweng mo phuthegong, kgotsa mo maemong a mangwe mekgwa ya Bokeresete e ne e tserwe mme e dirisitswe ka tsela e e maswe ka mediro ya boheitene. O tsere kobamelo ya modimo-letsatsi mme a fetolela go Morwa Modimo. Mo boemong ba go dira moletlo ka Sedimothule 21, e leng ge ba ne ba tlwaetse go dira moletlo wa modimo-letsatsi, ba o baya mo go Sedimothule 25 mme ba o biditse tsa botsalo ba Morwa Modimo. Mme rona re a itse gore o belegwa ka Motsheganong ge botshelo bo simolola, eseng ka Sedimothule. Mme ba isitse moletlo go Astarte mme ba o biditse modimo wa Tlolaganyo moo Mokeresete a tshwanetse go dira modiro wa loso le tsogo mo losong la Morena. Tota e ne e le moletlo wa boheitene wa Astarte.

Ba ne ba beile dialetara moagong wa phuthego. Ba ne ba tsentse ditshwantsho. Ba neile batho seo ba se biditseng tumelo ya bapostolo, le ge o ka sekwa e bona mo Beibeleng. Ba rutile batho kobamelo ya bo-ntatemogolwagolwana ka gona moo ba dirile Phuthego ya Katolika Roma e kgolo bogolo phuthego e e buang le medimo mo lefatsheng. Nonyane e nngwe le nngwe e e sa itshekang e ne e le mo serubing seo. Mme o na le Baprotestante le mekgatlo ya bona ba dira selo se se tshwanang.

Ba jele dilo tse di tlhabetsweng medimo. Jaanong ga ke reye gore se rure se kaya ba ne tota ba ja dinama tse di tlhabetsweng medimo. Le ge lekgotla la Jerusalema le ne le buile kgatlhanong le seo, Paulo ga ka a dira go le gontsi ka seo jaaka a rile medimo ga se sepe. E ne e le selo sa maikutlo ga e se mo se neng se kgopisa mokaulengwe o o bokoa mme ka gona se neng se sa letlellwe. Go feta foo, tshenolo e e amana le Badichaba mme

eseng Bajuda jaaka tsena e le diphuthego tsa Badichaba. Ke bona sena ka tsela e ke bonang mafoko a Morena. "Ga le sa je name Ya Me mme le nwe madi A Me ga le na botshelo mo go lona. Motho ga kitla a tshela ka senkgwe fela mme ka lefoko lengwe le lengwe le le tswang mo molomong wa Modimo." O ka bona gore go ja tota ke go tsaya karolo mo letlhakoreng la semoya. Ka jalo se batho ba ba ne ba ikobela ditshwantsho, ba gotetsa dipone, ba dirisa malatsi a segopotso a boheitene, ba ipobola maleo a bona go banna (botlhe ba e leng ba bodumedi ba ga diabolo), e ne e le batsayakarolo le diabolo mme e se ba Morena. Ba ne ba le mo kobamelong ya medimo ya diseto e ka ne ba ne ba amogetse kgotsa nyaya. Ba ka bua tsotthe tse ba di batlang gore dialetara le leswalo di ba gopotsa fela ka dithapelo tsa Morena kgotsa sengwe le sengwe se ba gopolang e se kaya; mme ba bua gore ge ba rapela fa pele ga setshwantsho ke fela ka ntlha ya go bontsha sa botlhokwa; mme gore ge ba ipobola mo go moperesita, ke tota mo go Modimo ba dira se mo dipelong tsa bona, mme ge ba re moperesita o a ba itshwarela, ke fela ka gore o dira se ka Leina la Morena; ba ka bua se ba se batlang mme ba tsaya karolo mo go Babylona o o itsegeng, bodumedi ba Satane mme ba ikgolagantse le medimo mme ba dirile boaka ba semoya, bo bo kayang loso. Ba sule.

Ka jalo phuthego le puso di ne di nyalane. Phuthego e ne e ikgolagantse le medimo. Ka nonofo ya puso mo morago ga bona ba ikutlwile gore jaanong, "Tsa puso di tlile mme thato ya Modimo e diragaditswe mo lefatsheng." Ke ka moo Phuthego ya Katolika ya Roma e sa lebella go bowa ga Morena Jesu. Ga se ba ba dumelang go dingwaga tse di sekete. Ba na le dingwaga tsa bona tse di sekete gona fano. Mopapa o busa ga jaanong mme Modimo o busa mo go ene. Ka jalo ge A tla, go ya ka bona, e tshwanetse go nna ge magodimo a masha le lefatshe di baakanngwa. Mme ba phoso. Mopapa o o ke tlhogo ya phuthego ya kako, mme go tlile go nna dingwaga tse di sekete, mme se ge se direga ga a kitla a nna mo go sona. O tlaa be a le kwa lefelong lengwe.

KGALEMELO

Tshenolo 2:16, "Jaanong he: Tlhabologa! Mme fa o sa dire jalo, ke tlaa akofa ke tlaa kwa go wena, ke tlhabana nabo ka tšhaka ya molomo Wa Me."

Ke eng gape se A ke se buang? A Modimo a ka tlhokomologa boleo ba bao ba ba bileditseng Leina La Gagwe lefela? Gona le tsela e le nngwe go amogela tshwaro mo ureng ya boleo, SOKOLOGA. Ipobole gore o phoso. Tlaya kwa go Modimo go itshwarelwa le go Moya wa Modimo. Se ke taelo e e tswang go Modimo. Go sa utlwé ke loso, gonne O re, "Ke tlaa lwa le wena ka Chaka e e mo molomong Wa Me." Sebatana se Iwele le baitshepi, mme Modimo o tlaa lwa le sebatana. Bao ba ba Iweleng le Lefoko ba tlaa bona letsatsi lengwe Lefoko le lwa le bona. Ke selo se se masisi go ntsha mo, kgotsa go oketsa mo go Lefoko la Modimo. Kaga bao ba ba le fetotseng, mme ba dirile ka lona jaaka go ba tshwanetse, bofelo ba bona bo tlaa nna eng ga e se loso le tshenyego? Mme tshwaro ya Modimo e santse e goa, "Sokologa." Au, kafa megopoloo ya tshokologo e leng monate ka teng. Ga go sepe mo diatleng tsa me se ke se tlisang, fela kwa sefapanong Sa Gago Ke a kgomarela. Ke tlisa khutsafalo ya me. Ke a sokologa gore ke seo ke leng sona, le seo ke se dirileng. Jaanong ke madi, e seng sepe ga e se madi a Jesu. E tlaa nna eng? Tshokologo, kgotsa chaka ya loso? Go tswa mo go wena.

(Go tswa mo Ponatshegong Ya Metlha Ya Diphuthego Tse Di Supang)

Voice Of God Recordings, South Africa Office

P.O. Box 178, Somerset West, 7129 Cape Province, Republic Of South Africa

TSWANA

©1992 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiswang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwé go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org